

ტფილისი კვლევითი ქართულ ლიტერატურაში

პროფ. კორნელი კეკელიძე

ტფილისი ერთერთი უძველესი ქალაქია. გაშენებული, მემარტიანეთა ცნობით, თითქოს მეოთხე საუკუნის მეორე ნახევარში, ის ყოველ შემთხვევაში მეექვსე საუკუნეში, როდესაც მას ბიზანტიელი ისტორიკოსი იხსენიებს, ქართლის დედა ქალაქადაა ქცეული. ამიერიდან ის ხდება ცენტრად ქართველთა პოლიტიკური და კულტურული ცხოვრებისა. როგორც ასეთი, ის თითქმის ყოველ ნაბიჯზე იხსენიება ჩვენი ძველი ისტორიკოსებისა და მემარტიანეთა მიერ. ჩვენ ამ შემთხვევაში გვინტერესებს არა საისტორიო ხასიათის ცნობები ტფილისის შესახებ, არამედ წმინდა ლიტერატურული: პოვა თუ არა ტფილისმა ადგილი ჩვენს ძველს სიტყვა-კაზმულ მწერლობაში, ჰყავს თუ არა მას თავისი საკუთარი მებოტბენი ან ამწერელნი?

წინასწარ უნდა შევნიშნო, რომ ძველს ლიტერატურაში არ მეგულება არც ერთი ნაწარმოები, რომლის თემატიკას სპეციალურად და უშუალოდ ჩვენი დედა-ქალაქი შეადგენდეს, მას სხვათაშორის, გაკვრით ეხებიან სხვადასხვა დროის მწერლები და პოეტები, თუმცა ასეთი შემთხვევაც არაა მაინცადამაინც ხშირი.

ტფილისს ჩვენ ვხვდებით, პირველყოვლისა, პაგიოგრაფიულ ბელეტრისტიკაში როგორც ადგილს, სადაც იშლება ტრალედია ესტატი მცხეთელის (VI) და აბოტფილელის (VII) ცხოვრებისა. აბოს მარტვილობაში წარმოდგენილია ძველი ნაწილი ტფილისისა, მისი ერთერთი გარეუბნით, „რომელსა საგოდებელ ეწოდების, რამეთუ მუნ არს საფლავები კაცთა მის ქალაქისათა“, — და რომელიც მდებარეობს „აღ-

მოსავალით ციხესა მას ქალაქისასა, რომელსა რქვიან სადღლეგო, პირსა ზედა კლდისასა, რომელ არს კბოდე, კლდე მდინარისა მის დიდისა, რომელი განვლის აღმოსავლეთით ქალაქსა, ესე არს სახელი მტკუარი“. აქ, ამ ადგილას, ავტორი გვიხატავს საშინელ სურათს აბოს გვამის დაწვისას, რომლის შედეგს, ფერფლს, ჩამოიტანენ ძირს და, დაახლოებით დღევანდელი ავლაბრის ხიდიდან, ჩაყრიან „ფიცხელთა მათ მფოფინარეთა ლელვათა და სილრმეთა“ შიგან წყალთასა.

საერო მხატვრული ლიტერატურა ტფილისს ეხება მხოლოდ ე. წ. აღორძინების ხანიდან (მე-17 საუკ.). ამ მხრივ, პირველ ყოვლისა, დასახელებული უნდა იქნეს ჯერ კიდევ გამოუცემელი პოემა შაჰ-ნავაზიანი, სადაც მოთხრობილია, რომ ვახტანგ V-ემ ტფილისში მტკვრის პირას ფრანგოსტატებს ააშენებინა სასახლე, რომელიც აავსო ძვირფასი ქურკლებითა და ნივთებით; სასახლის გარშემო გააშენა მშვენიერი ბაღი, სადაც ის დროგამოშვებით ლხინობდა და თავის საყვარელ მეუღლე მარიამთან სრულს ბედნიერებას განიცდიდა. ეს ის სასახლეა, რომლის შესახებ ევროპიელი მოგზაური შარდენი (17 საუკ.) ამბობდა. რომ მისი მსგავსი მას ევროპაშიც არ უნახავსო.

შემდეგ ტფილისს ეხება გვირგვინოსანი პოეტი ვახტანგ VI, რომელიც ერთ თავის ნაწარმოებში აგვიწერს „კეკლუცთა ხელმწიფის“, — იგულისხმება ქართლი, — მშვენიერებას. მის თვალწარმტაც სილამაზეს და იმ გრძნობებს, რომელდაც იწვევს მოტრფივალეთა გულში მისი კვრეტა. პოეტი კონკრეტულად ახასიათებს ქართლის

სხვადასხვა კუთხეებს და მოკლე შტრიხით სწვდება ტფილისსაც მისი აბანოებით. თავის მეორე „მაჯამაში“ ტფილისის შესახებ ვახტანგი ამბობს:

რა სჯობს მაისში ტფილისსა, ვარდი ვარსკვლავებრ ესხასა. მწვანედ ლელავდეს გარემო, ცის ცვარი მასზე ესხასა, თუ არ უშმაგო, ვინცა ქნას მასხედა რითმე ესხასა, მე ასე მითქვამს: უთუოდ ის კაცი იყოს, ეს ხასა!

მეორე გვირგვინოსანი პოეტი, თეიმურაზ II, მართალია, სპეციალურად ტფილისს არ ასახელებს, მაგრამ აგვიწერს იმ ძვირფას „სრას“ ან სასახლეებს, რომელნიც შეადგენდენ ამ ქალაქის მშვენიერებასა და სიამაყეს. ესაა მისი საკუთარი და სამის წინადროის მეფის, — როსტომის, ირაკლი პირველის და ვახტანგ მეექვსის სასახლეები. თავისი საკუთარი სასახლის შესახებ პოეტი ამბობს:

გერა მჯობს ერთი სახლია, ჰკითხეთ ვინც გვერდსა გახლია! ახლო მაქვს უცხო ბაღია, მკვრეტელთა დასაქადია; მიბრძანდით, კარია ღია, ნახეთ კოკობი ვარდია, სალად აავსეთ თასია. უკუყარონ დარდია! ჩემებრი არვინ მგონია. არ არის სახარონია, როს ზაფხულისა დრონია, ყვავილნი დაუზრონია, იშტვენენ ტბილად ხმახედა ბულბული, იადონია, ვინცა ლხინისა მდომია, ის რისა გასაგონია?

ვაშენებდი სასახლესა, საწოლსა აივანებით, შევამკვე ხვეით-ქვევითა ლამაზად, ბალახანებით; შვახედ აინა-ხანია დახატვით, მიკვირტანებით, ეს შევასრულე სალხინოდ, შიგ ვსვემდი დოსტაქანებით.

ამის შემდეგ ავტორი აგვიწერს სამი წინადროის მეფის სასახლეს: უწინ, სიყრმის დროს, მენახა ნაშენი უცხოებითა სამი მორთული სახლები ვარაყით, სარკებითა,

მეფეებისგან ნაგები კვხნით და დაქადებითა, თითოსა თითო აგო დიდ ხარჯით და ფასებითა. როსტომ მეფისგან ნაგები საწოლი სახელიანი, ნახატი სურათებითა, ყვავილი ფერადიანი, თვით როსტომ ფალავანი და დევი ეხატნენ რქიანი, შეემკო დიდად, დაეთქო სახელად როსტომიანი. ერთი სრა მეფის მამისა, ვრეკლეს გაკეთებული. ხელმწიფეთა საკადრისი, ქვეყნისგან მოწონებული, სარკები ოქროს ვარაყით, შემთხვევით განათლებული, მეფეთ და დარბაისელთთვის სალხინოდ დამზადებული. ერთი სრა მეფის ვახტანგის, უცხოულობით ნაგები, საკვირველი და საქები, მას უხდებოდა სარკები, შვახედა შანიშინია, აუხით შადრევანები, ფერად-ფერადის ჯამებით შეხამებული ფანჯრები. ავხს უხდებოდა შვახედა ბროლის ხომლისა კიდება; როს მეფე-სანი ლხინობდენ, დღეს რომ შექნოდა ლხინება, შეხამდის ხოლმე გაწყობილს, კელაპტარს მოვიკიდება; შიგ მსხდომნი კედელს მიხედის, გგონოს — გარს ეკიდება. ერთიცა სახლი უხესთე ვრანშიც არ ნახულა და, ამა სრის ქება-სიკეთე ქვეყანას ხმა-განთქულა და; როგორც მას შეეფერების, შესხმა არ ძალმიძს სრულადა, სხვებს სრასა ყველას ისი სჯობს, მისებრი არ დადგმულა და!

ზოგადად უნდა აღვნიშნოთ, რომ ფეოდალურ პოეზიას ტფილისი თუ აინტერესებდა, იმდენად, რამდენადაც მის სახელთან დაკავშირებული იყო მოგონებანი წინაპართა „საქმეთა საგმროთა“ და როგორც ადგილი შექცევისა და გართობისა; მისი სახე და ყოფა-ცხოვრება ამ პოეზიის ყურადღებას მაინცდამაინც არ იპყრობდა, ალბათ, იმიტომ, რომ ფეოდალურ ხანაში საქალაქო ცხოვრება იმდენად განვითარებული არ ყოფილა, რომ მას წამყვანი როლი ეთამაშნა და ამით მწერლობის ცენტრში მოხვედრილიყო.

ლიტგაზეთი